



Australian Government

Department of Health

E avatu e le TGA i tagata Ausetalia le talitonuga atoatoa e faia ai le COVID-19 tui

O tui COVID-19 o le a faia se sao taua i le fa'afetauia o le fa'ama'i o le coronavirus.

O le Australia's Therapeutic Goods Administration (TGA) e gafa ma le iloiloina ma le fa'amaonia o tui puipuia COVID-19 mo le fa'aaogaina i Ausetalia. E mafaufau ma le fa'aeteete lelei le TGA i penefiti uma ma lamatiaga o lea tui puipuia. O faiga a le TGA mo le fuafuaina o le saogalemu ma le aoga lelei o tui e va'ava'aia lelei, lautele – ma tuto'atasi.

Ae e le galue to'atasi le TGA. O le TGA e galue vavalalata ma ana pa'aga fa'atonutonu i le lalolagi atoa. Latou te galulue fa'atasi i aso uma, ia mautinoa o lo'o i ai le fa'asoaina atu o le poto e mafai ona manuia uma ai.

I le filifiliga pe fa'amaonia se tui, e iloiloina uma e le TGA fa'amatalaga fa'asaienisi ma fa'afoma'i o lo'o avanoa. O lenei fa'amatalaga e sau mai le tagata e gaosia le tui ma isi fa'amaoniga o loo avanoa.

E fa'atoa matou fa'amaonia se tui mo le fa'aaogaina pe a fai e saogalemu ma aoga lelei i le taimi ma pe a mae'a su'ega a le falema'i. E matua taua tele le mafai e le tagata e gaosia le tui ona fa'aalia o le tui e mafai ona gaosia i se tulaga maualuga, tumau ma auala fa'atonutonu lelei.

A fa'amaonia e le TGA se tui, e mafai ona e fa'atuatuaina o le a galue fa'asaga i le COVID-19. O le tui o le a fa'aititia ai le aofa'i o tagata ua mama'i tigaina pe ua feoti fo'i mai le siama.

A mae'a le fa'amaoniga, e fa'aauau pea la tatou matafaioi. O le a fa'aauau pea ona matou va'ava'aia le saogalemu o tui ma iloilo le lelei o so'o se faaputuga i Ausetalia.

I le avea ai o le matou fa'amuamua maualuga, o le TGA o lo'o fa'atautaia se iloiloga atoa o tui COVID-19 – ae i se taimi pu'upu'u nai lo e masani ai.

O le auala latalata na faia i Ausetalia o le a mautinoa ai e sili atu le talitonuina o tagata i tui. O lenei o le a ausia ai le silisili ona maua ai le taunuuga lelei o le soifua maloloina lautele.

E fa'afefea na mafai ona matou fa'avaveina le faiga o le iloiloga o tui e aunoa ma se fetu'una'iga i a matou tulaga fa'avae? O le TGA na masani ona taliaina fa'amaumauga mai tagata gaosi. Sa matou galulue fa'atasi ma latou e vave maua ni tali i ni fesili.

E 'ese'ese a matou vaega e su'esu'eina itu 'ese'ese o le tu'uina atu o tui. Ua matou fa'ateleina fo'i le aofa'i o tagata o lo'o galulue i iloiloga fa'atonutonu ma le saogalemu o le tui. O a matou vaega tu'uto o tagata atamamai na galue i le vaitaimi atoa o aso fa'afiafia.

Atonu na e fa'alogu i le TGA na mafaufau i le faitau afe o itulau o fa'amaumauga ma fa'amatalaga a'o iloiloina se tui. O le a tonu le mea o matou va'ai i ai?

Matou te va'ava'ai i mea uma e aofia ai le aoga lelei atoatoa o tui i totonu o le fale su'esu'e. Matou te va'ava'ai i le fa'agaioiga o le gaosiga. Matou te va'ava'ai i ipu o 'olua e tu'uina atu i ta'otoga a

foma'i ma falema'i, fa'apea fo'i ma fa'ata'ita'iga fa'amaumau i ofisa o foma'i, ma fa'amatalaga auiliili o le saogalemu.

O lo'o fa'amoemoe a le Malo Ausetalia e amata tui puipui i vaega maualuga fa'apitoa a Ausetalia mai le ogatotonu e o'o i le faaiuga o Fepuari.

O la matou galuega i le TGA o le fa'amautinoa atu lea i tagata Ausetalia o nei tui e saogalemu, aoga lelei ma ua ausia a matou tulaga fa'avae fa'atauaina.

Saunia e Adjunct Professor John Skerritt, o ia o lo'o ta'ita'ia le Therapeutic Goods Administration.